

**ԱՄԱՆՈՐԻ ԵՎ ՍՈՒՐԲ ԵՆՆԴՅԱՆ ՅՈՆՆԵՐԻ
ԱՌԹՈՎ ԱՄԵՆԱՅՆ ՀԱՅՈՑ ԵԱՅՐԱԳՈՒՅՆ ՊԱՏՐԻԱՐԻԿ
ԵՎ ԿԱԹՈՂԻԿՈՍ ՆՈՐԻՆ ՍՈՒՐԲ ՕՇՈՒԹՅՈՒՆ
Տ. Տ. ՎԱԶԳԵՆ Ա-Ի ԵՎ ԳՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ
ՈՂՋՈՒՅՆԻ ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ**

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԸ
ՆՈՐԻՆ ՍՐԲՈՒԹՅՈՒՆ ԱԼԵՔՍԻՆ (ՄՈՍԿՎԱ),
ՀԱՄԱՅՆ ՎՐԱՑ ՊԱՏՐԻԱՐԸ-ԿԱԹՈՂԻԿՈՍ ՆՈՐԻՆ
ՍՐԲՈՒԹՅՈՒՆ ՄԵԼՔԻՍԵԴԵԿ Գ-ԻՆ (ԹԲԻԼԻՍԻ),
ՔԵՆՏՐԲԵՐԻԻ ԱՐՔԵՊԻՍԿՈՊՈՍ, ՀԱՄԱՅՆ ԱՆԳԼԻՈ
ԵՊԻՍԿՈՊՈՍԱՊԵՏ ԵՎ ՄԻՏՐՈՊՈԼԻՏ ՋԵՈՖԻՐԻՆ (ԼՈՆԴՈՆ)
ՌՈՒՄԻՆ ՕՐԹՈԴՈՔՍ ԵԿԵՂԵՑՈՒ ՊԱՏՐԻԱՐԸ
ՆՈՐԻՆ ՍՐԲՈՒԹՅՈՒՆ ՀՈՒՍՏԻՆԻԱՆԻՆ (ՐՈՒՍԱՐԵՍ),
ՐՈՒԼԱՐԻԱՅԻ ՊԱՏՐԻԱՐԸ ՆՈՐԻՆ ՍՐԲՈՒԹՅՈՒՆ
ԿԻՐԻԼԻՆ (ՍՈՖԻԱ),
ԷՍՏՈՆԱԿԱՆ ՍՍՌ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ԱՐՔԵՊԻՍԿՈՊՈՍ ՅԱՆ ԿԻՅՎԻՏԻՆ (ՏԱԼԻՆ),
ԼԱՏՎԻԱԿԱՆ ՍՍՌ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ ԵԿԵՂԵՑՈՒ
ԱՐՔԵՊԻՍԿՈՊՈՍ ԳՈՒՍՏԱՎ ՏՈՒՐՍԻՆ (ՌԻԳԱ):

Հայաստանյայց Առաքելական Սուրբ Եկեղեցին, Բրիտանական բոլոր
Եկեղեցիների հետ միասիրտ, այսօր Աստուծո փառք կերգե Փրկչի Ս. Մենդ-
դյան ավետիսով ոգեշնչված: Հավատքի սյուն Ս. Էջմիածնի Սեղանեն Մենդ
ջերմապես կաղոթենք, որ «խաղաղության և ի մարդիկ հանության» երկնա-
ռափ շնորհները իջնեն երկրի վրա և առաջնորդ ու զորավիգ դառնան մեր
օրերու մարդերուն և ժողովուրդներուն՝ ի փառս Աստուծո և հերշանկություն
ազգի մարդկան:

Շնորհավորելով Ձեզ Փրկչի Ս. Մենդյան և Աստվածաճալտնության սուրբ
տոներու առթիվ, ի սրտե կբարեմաղթենք, որ Պարգևատուն ամենայն բարյաց
ծաղկեցնե Ձեր հովվապետական գավազանը և պողառատ դարձնե Ձեր կյանքը՝
փառառոյջ երկար ու խաղաղ տարիներով, ի մխիթարություն Ձեր ժողովրդյան
և հուրախություն Մեզ:

Նորայրական շատ անկեղծ սիրով ի Քրիստոս,

Ձեզ աղոթակից՝

ՎԱԶԳԵՆ Ա.

ԵԱՅՐԱԳՈՒՅՆ ՊԱՏՐԻԱՐԸ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԵՆ Ա. ԻՆ

Է. Ջ. Մ. Ի. Ա. Մ. Ի. Ն.

Ձերդ վեհափառություն, սիրեցյալ ի Տեր սրբաանյալ Հայրապետ.
Մեր Աստուծո և Փրկչի՝ Հիսուս Քրիստոսի ծննդյան օրը հրեշտակները
ավետեցին խաղաղություն— «Փառք ի բարձունս Աստուծոյ և յերկիր խաղա-
ղութիւն»։ Խաղաղությունը կհաղթի խռովության։

Խաղաղության այս հոգով ձեռք եմ մեկնում Ձերդ սիրեցյալ Սրբությանը՝
հրճվանքի անկեղծ խոսքով մեր Տիրոջ՝ Քրիստոսի ծննդյան առթիվ։

Թո՛ղ Տերը լիացնի Ձեր հոգին Իր խաղաղությամբ և խնդությամբ, կյան-
քի աղբյուր Իր հայտնությամբ։

Թո՛ղ Տերը վերանորոգի Ձեր կյանքը և ավելացնի Ձեր կյանքի օրերը
աստվածաճանճ բեղմնավոր գործունեությամբ, ի փառս Ս. Եկեղեցու։

Ձերդ Սրբության անձնվեր եղբայր ի Տեր՝

Ա. Լ. Ե. Ք. Ս. Ի.

ՊԱՏՐԻԱՐԺ ՄՈՍԿՎԱՅԻ ԵՎ ՀԱՄԱՅՆ ԴՈՒՍԻՈ

ՄՈՍԿՎԱ

«Փառք ի բարձունս Աստուծոյ, և յերկիր խաղաղութիւն, ի մարդիկ հա-
նութիւն» (Ղուկ. Բ 14)։

Այսպես ավետեցին հրեշտակները Բերդեհեմի հովիվներին՝ Քրիստոսի
ծննդյան մեծ ուրախությունը։

Ամեն տարի ավետվում է այդ ուրախությունը Քրիստոսի Եկեղեցու մի-
ջոցով և մեզ։

«Եւ եղև իբրև վերացան ի նոցանէ հրեշտակէն յերկինս, ասենց միմեանս
հովիւքն. եկայք երթիցուք մինչև ցրեթղեհեմ» (Ղուկ. Բ 15), «և եկին փութա-
նակի» (Բ 16)։

Շտապե՛նք նաև մենք մտնու՛լ՝ դեպի մտավոր Բերդեհեմը, դեպի հրաշալի
մատուր, որը լուսավորված է աստվածային լույսով, հրճվե՛նք և ուրախությամբ
միմյանց գրկենք բարի ցանկություններով։ Բերդեհեմի հովիվների նման վե-
րադառնանք մեր հոտի մոտ՝ ավետելու մի անգամ ևս մեծ ուրախությունը.
«Եւ դարձան հովիւքն, փառասուր առնէին և օրհնէին զԱստուած վասն ամե-
նայնի զոր լուան» (Ղուկ. Բ 20)։

Շնորհավորում եմ Ձերդ Սրբության, Ձեր հոգևորականության բարձրաս-
տիճան հովիվներին, Մայր Աթոռի միաբանության և Ձեր աստվածասեր ժո-
ղովրդի Քրիստոսի Մենդյան մեծ տոնը և նոր տարին։

Հաստատ համոզված եմ, որ Բերդեհեմի մատուր ապոկած Աստված
Մանուկը կօգնի խաղաղության պաշտպաններին՝ հաստատելու և ամրապնդե-
լու «Յերկիր խաղաղութիւն, ի մարդիկ հանութիւն»։

Այս ուրախությամբ և եղբայրական սիրով ի Քրիստոս, ողջագործում եմ
Ձերդ Սրբության և մնում Ձերդ Սրբության բարյացակամ՝

ՄԵԼՔԻՍԵԴԵԿ Գ.

ԿԱԹՈՂԻԿՈՍ-ՊԱՏՐԻԱՐԺ ՀԱՄԱՅՆ ՎՐԱՍՏԱՆԻ

ԹԲԻԼԻՍԻ

Ձերդ Սրբություն, սիրեցյալ եղբայր ի Քրիստոս.
 Եւ բանն մարմին եղև և բնակեցաւ ի մեզ, և տեսաք զփառս նորա»
 (Յովն. Ա. 14):

Քրիստոնյաները ի վիճակի են եղել նայել մարմնի քողի միջից այն կողմը և տեսնել աստվածային նշմարտությունը: Քրիստոսի մեջ մենք տեսնում ենք Աստուծո փառքը: Աստուծո ողորմությամբ մեզ շնորհված այս տիպիլն է, որ մեզ բոլորիս միացնում է, երբ մենք ակնկալույց նայում ենք իր Ս. Մոր բազուկների վրա հանգչող մարդացյալ Աստուծո՝ մեր Տիրոջ Հիսուս Քրիստոսի Մենդյան այս փառավոր տոնի ժամանակ: Մինչ մենք միանում ենք Ձեզ հետ՝ երկրպագելու մեր փրկության հեղինակին, ես ուղարկում եմ Ձեզ, սիրելի եղբայր, շերտ եղբայրական ողջույններ և հույս ունեմ, որ Մենդյան տոնի առիթով Ձեզ պիտի շնորհվի Աստուծուց ամեն օրհնություն:

Ամեն տարի ավելի հառաչ է դառնում աշխարհի համար սիրո և աստվածային խաղաղության քրիստոնեական պատգամը: Մութ ուժերը կարող են իրենց հզորության մեջ անդիմադրելի քվալ, բայց մենք գիտենք, որ «Հիմարս աշխարհիս ընտրեաց Աստուած, զի յամօր արասցէ զիմաստունս. և զտկարս աշխարհիս ընտրեաց Աստուած, զի յամօր արասցէ զհօրս» (Ա. Կորնթ. Ա. 27): Ինչպես իր՝ Աստուծո սերը ստույգ է, այնպես էլ Նրա հաղթանակը ստույգ է չարի և մեղքի ուժերի վրա: Հավատարիմ մեր հասարակաց Տիրոջ և նվիրված Նրան մեր գործով և քրիստոնեական սիրով միացած միմյանց՝ Աստուծո քաղաքության և մեր Փրկչի վկայությանը համար, մենք միանում ենք հրեշտակներին երգելով. «Փառք ի բարձունս Աստուծոյ և յերկիր խաղաղութիւն, ի մարդիկ հանութիւն» (Դուկ. Բ. 14):

Ենդրում եմ, սիրելի եղբայր, ընդունել իմ աղոթքները Ձեզ, Ձեր հոգևորականության և հավատացյալ ժողովրդի համար, որպեսզի Աստված առաւտապես օրհնի Ձեր Եկեղեցին՝ իր ծառայության մեջ:

Մնամ Ձեզ սիրող եղբայր ի Քրիստոս:

Ջ. Ե. Ո. Ֆ. Բ. Ի.

ԱՐՔԵՊԻՍԿՈՊՈՍ ՔԵՆՏՐՔԵՐԻԻ, ԵՊԻՍԿՈՊՈՍԱՊԵՏ
 ԵՎ ՄԻՏՐՈՊՈԼԻՏ ՀԱՄԲՍՆ ԱՆԳՆՈՆ

ԼՈՆԴՈՆ

Ի սրտե շնորհակալություն ենք հայտնում Ձեր եղբայրական շնորհավորությունների համար, որն այնքան սիրով հղել էիք Մեզ և մեր հավատացյալներին՝ մեր Փրկչի՝ Հիսուս Քրիստոսի Մենդյան և Մկրտության յուսավոր տոնների առթիվ:

Այս սուրբ օրերին ուրախությամբ Մեր էլ մտածումը ուղղվում է դեպի Ձեզ, մտաբերելով այն սիրելի օրերը, երբ Ձերդ Սրբությունը Մեզ հետ գործակցում էր իրագործմանը համար հրեշտակների պատգամին, որը բերվեց աշխարհ Փրկչի ծննդյան պահին՝ «Փառք ի բարձունս Աստուծոյ և յերկիր խաղաղութիւն, ի մարդիկ հանութիւն»: Վստահ ենք, որ Ձեր Արքունից, ուր կոչվեցիք Ամենակալի ողորմությամբ, կծավալեք Ձեր առաքելական գործը հօգուտ և ի փրկություն հայ հավատացյալ ժողովրդի, և թե մշտապես կսիրեք պահպանել եղբայրական կապեր Քրիստոսի բոլոր եկեղեցիներին հետ:

Մենք մի անգամ ևս սիրով արտահայտում ենք Մեր գնահատանքի և շերտ համակրանքի զգացումները, մաղթելով Ձեզ լիակատար առողջություն, ուժ և կարողություն և բազում տարիներ, որպեսզի երջանիկ արդյունքներով բարի վախճանի կարենաք հասցնել Հայ Առաքելական Եկեղեցու Հովվապետի Ձեր առաքելությունը:

Եղբայրական սիրո համբուրիվ ի Քրիստոս՝

ՀՈՒՍՏԻՆԻԱՆ

ՌՈՒՄԵՆԻԱՅԻ ՊԱՏՐԻԱՐԺ

ՔՈՒՆԱՐԵՍՏ

Ձերդ Սրբություն.

Թող օրհնյալ լինի Աստուծո անսահման ողորմությունը և խնամքը համայն մարդկային ազգի վրա:

Այս հրաշափառ մեծ խորհրդի սուրբ օրերին՝ Աստուծո Որդու մարմնական ծնունդի տոնի առիթով, խնդությամբ համակված, «Աստուծո փառքով» լցված և Քերեկեմի հովիվների նման հիացած, մեր հայացքները սևեռում ենք դեպի սուրբ այրը, որտեղ կյանքը ծնվեց մեզ համար և անսահման ուրախությամբ լցրեց Աստուծո փրկության սպասող մարդկանց սրտերը: Եվ այժմ, ամբողջ մարդկության վերև հենում է նորից հրեշտակների ձայնը. «... Անտառանեմ ձեզ ուրախությամբ մեծ, որ եղիցի ամենայն ժողովրդեան: Զի ծնաւ ձեզ այսօր Փրկիչ, որ է օծեալ Տէր (Ղուկ. Բ 10—11):

Աստված ողարկեց մեզ Փրկչին, որը մեզ այցի եկավ գրությամբ և սիրով, որովհետև Արարիչը տեսավ մարդկանց անկումը, ինչպես ասում է ծննդյան երգը: Աշխարհի վրա փայլեց «Արդարության արեգակը» (Մաղ. Դ 2), լուսավորելով մարդկային միտքը նշմարտության լույսով, և առաջնորդելով մարդկային ազգը սիրո կրակով, որպես ամենաբարձր պատգամ: Քրիստոսի ծնունդը բերեց աշխարհին այնքան բարիքներ և բարեհաճություն՝ ժողովուրդների մեջ:

Բոլորս միասին խոնարհությամբ աղերսենք աշխարհի Փրկչին՝ Հիսուս Քրիստոսին՝ Քերեկեմի ծննդյան աստղի լույսով, որ ինքն փայլեցնի մարդկային հոգիները հավատով և իր փրկարար ուժով, որպեսզի Քերեկեմի օրհնությունը իջնի և աշխարհի վրա քաղավորի խաղաղությունը և մարդկանց մեջ նահանգությունը:

Շնորհավորում եմ Ձերդ Սրբության և Ձեր Եկեղեցու մեծ տոնը՝ Քրիստոսի ծննդյան մեծ ուրախությամբ:

Շնորհավորում եմ Ձեզ նաև նոր տարվա առթիվ և շնորհանդգությամբ աղերսում կուսից ծնված Փրկչին, որ պարզեի Ձեզ առողջություն, հոգու ուրախություն, Ձեր բարեպաշտ հոտին՝ ամեն տեսակ հոգևոր և մարմնավոր անում և հաջողություն և ամբողջ մարդկության՝ խաղաղություն:

Ինձ և մեր Ս. Եկեղեցին հաճեցում եմ Ձեր սուրբ հովվապետական աղոթքներին և սիրով առ Մանուկ Աստվածը,

որով մեամ Ձերդ Սրբության խոնարհ եղբայր՝

Կ Ի Ր Ի Լ

ՊԱՏՐԻԱՐԺ ԲՈՒԼԱՐԱՅԻ

ՍՈՅՆԱ

Ձերդ Սրբություն.

Ընդունեցե՛ք իմ սրտագին շնորհավորանքները Քրիստոսի ծննդյան մեծ տոնի և նոր տարվա առթիվ:

Ձերմոռեն ցանկանում եմ հաջողություն և բարեկեցություն անձամբ Ձեզ և Ձեր Եկեղեցու հավատացյալներին:

ՅԱՆ ԿԻՅՎԻՏ

**ԷՍՏՈՆԱԿԱՆ ՍՍՌ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ԱՐԺԵՊԻՍԿՈՊՈՍ**

ՏԱԼԻՆ

Ուրախությամբ և սրատագին ողջունում եմ Ձերդ Սրբությանը՝ Բրիտանական ընդհանուր և մեծ տոնի՝ Աստուծո Որդու, Խաղաղության իշխանի և մեր Փրկչի՝ ծննդյան առթիվ:

Նոր տարվա առթիվ ընդունեցե՛ք նաև իմ լավագույն բարեմաղթությունները՝ Ձերդ Սրբության փառառոչության և Ձեր գործակից հոգևոր հովիվների արդյունավետ գործունեության և հնադարյան Հայ եկեղեցու պայծառությամբ համար:

Գ Ո Ւ Ս Տ Ա Վ, Տ Ո Ւ Ր Ս

**ԼԱՏՎԻԱԿԱՆ ՍՍՈՒ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ԱՐՔԵՊԻՍԿՈՊՈՍ**

ՌԻԳԱ

Ձերդ վեհափառություն.

Այս տոնական սրբազան օրերին, երբ Աստուծո Բանը մարմնանում է, երբ հրեվում են երկինքն ու երկիրը և Քրիստոսի բերած խաղաղությունը լցնում է երկիրը, խնդությամբ խոնարհվում եմ երկնքից իջած մեր Աստուծո առաջ և լիառատ ստով ողջունում եմ Ձերդ Սրբությանը Բրիտանական մեծ տոնի առթիվ, որը տալիս է ուրախություն բոլորին:

Ցանկանում եմ Տիրոջ ամեն տեսակ օգնությունը Ձեզ, ուժերի լարում և առաջադիմություն Ձեր բոլոր աշխատանքներում, ի փառս Ձեր հոտի և Ազգի:

Թող ամրապնդի Քրիստոս մեր ուժերը Իր ծնունդով մեր փրկության համար, որպեսզի ծառայենք Նրան հավատով և սիրով, ի փառս ամբողջ մարդկության:

Թող տիրապետի մեր սրտերում Նրա խաղաղությունը, որը կյանքի հիմքն է և մարդկության բարօրության աղբյուրը:

Սիրով ի Քրիստոս՝

Ն Ի Կ Ո Ւ Ա Յ

**ԱՆԴՐԱՄ Ս. ՍԻՆՈԳԻ, ՄԻՏՐՈՊՈԼԻՏ
ԿՐՈՒՏԻՑԿՈՒ ԵՎ ԿՈՒՈՄԵՆԱՅԻ**

ՄՈՍԿՎԱ